


**JOH. CONRADI FUESLINI
... DISSERTATIO DE
ALEXIADE ANNÆ
COMNENÆ. QUA
GRÆCARUM...**

Johann Conrad Füssli



1086.2

JOH. CONRADI FUESLINI

CAP. VITOD. CAMERARII

DISSERTATIO

DE

ALEXIADE
ANNÆ COMNENÆ.

QUA

GRÆCARUM LITTERARUM CULTORES

ET PROFESSORES AD NOVAM HUIUS LIBRI

EDITIONEM CURANDAM ET PUBLICANDAM

EXSTIMULANTUR.

THURICI


APUD HEIDEGGERUM ET SOCIOS.

M DCC LXVI



1086
2



 P ETRUS POSSINUS Tolofanus, e societate Jesu, vir doctus & de græcis litteris bene meritus, ante centum & qui excedunt, annos in epistola dedicatoria editioni ALEXIADOS parisinæ præfixa de Typographis, qui tot libros græcorum impressos evulgarunt, ALDIS & FROBENIIS questus est, quod de ALEXIADE luci reddenda non cogitaverint. Sed quid opus fuit de Typographis queri, cum litterarum professoribus & restauratoribus potiustribuendum esse videatur, quod librum eximio dicendi genere nitentem & rerum scitu utilium copia abundantem, cujus auctorem JOAN. ZONARAS linguam *ἀκριβὲς ἀνέκδοτον* & mentem *πρὸς ἵλας διακειμένην* *ἐκτετατοῦ* habere prædicavit, ducentis fere annis ab artis imprimendi inventione abjectum & tenebris obrutum esse passi sint? POSSINI igitur studio & industriæ tribuendum est, quod hic liber in lucem protractus bonarum litterarum, imprimis historiarum studiosis innotuerit, ejus enim opera anno MDCCL. Parisiis ex Typographia regia splendide typis æneis descriptus prodiiit. Ast quancumque viri hujus industria, quam in ALEXIADE collocavit, facienda sit, hujus tamen usus debilitatus ac pene labefactatus est. Primo enim rarissime prostat liber, deinde magno pretio ve-

nit, tandem illi insunt navi, qui, ut emendentur & ALEXIAS legentibus utilior reddatur, novam curam, novum laborem postulant. Translatio POSSINI, quam docta, quam eloquens, quamque latina sit, mentem tamen scriptoris non semper assecuta est, ejusque verba excedens alienis quandoque opinionibus intrusis tumet. Hanc ob causam demiratus sum, post POSSINUM neminem eruditorum, non dicam in Gallia, Italiave, sed in Batavia, quæ GRONOVIOS, GRÆVIOS, HAVERCAMPIOS aliosque litteraturæ græcicæ laude florentes viros aluit, neque in Germania, quæ batavorum æmulos felices protulit, reperit fuisse, qui huic libro emendando & in commodum lectorum publicando operam dedisset. Cum igitur animum meum cogitatio subierit, *Exstimulationem* scribere, qua viri huic labori subeundo pares novæ ALEXIADOS editionis procurandæ cupidine incendantur, oratorum, qui dicendorum partes enumerant, morem imitabor, & quid in hac exstimulatione præstiturus sim, enarrabo. Primo de rebus, quas illustrissima scemina ANNA COMNENA Alexiade complexa est, referam, deinde libri fata exponam, denique quid in nova ejus editione meo judicio elaborandum sit, docebo.

Historiæ præcipuæ dotes sunt, ut veritati lucem accendat & virtutem viam commonstret, liber historicus igitur eo gravior & utilior erit, quo res majoris momenti sunt, quas complectitur. Res autem & a tempore, quo gesta sunt, & ab auctoribus, a quibus provenerunt, & ab eventibus, quos pepererunt, momentum accipiunt. Nonnunquam scriptoris nomen eis aliquam auctoritatem conciliat. Quodcunque horum respicias lector aliquid senties, quod cupiditatem tuam accendat. Ut ab auctore incipiam,

hic

hic fuit foemina, sed foemina, cujus nomen inter eruditas mulieres eminet, ut inter viburna cupressus. Primo ob generis splendorem, fuit enim *Porphyrogenita*, hoc est, a patre, postquam imperii fastigium nactus fuerat, procreata, & NICEPHORO melisseno cæsari matrimonio juncta: deinde ob scientiarum varietatem, fuit enim philosophicarum & theologicarum rerum scientia imbuta, cum sacris litteris earumque commentatoribus PLATONIS & ARISTOTELIS lectionem jungens. Historiam, quam XV. libris comprehendit, ALEXIADEM inscripsit, in laudem & honorem parentis, imperatoris ALEXII ex COMNENORUM gente oriundi, cujus res gestas illustravit. Incipit ab anno MLXIX. quo idem ille parens ejus ROMANO DIOGENE imperante militiæ rudimenta posuit. Desinit in anno MCKIIX. quo vita defunctus fuit. Imperio græcorum annis XXXVII. præfuit, nempe ab anno MLXXXI. Quæ interea temporis acta sunt, tum Jurium consultis, tum rerum publicarum statoribus, tum res ecclesiasticas expiscantibus, tum omnibus historiarum curiosis maxime observanda sunt. ALEXIUS ad imperii culmen pervenit, cum illud undique premi ceperat. Bella gessit cum Turcis & cum Scytis his, qui *Alani* & *Comani* dicti fuere. Omnium maxime illum ROBERTUS GUISCARDUS Apuliæ dux vexavit, quem GREGORIUS VII. pontifex romanus, qua potuit, ope sustentavit. Qui historiam primis tantum labris gustarunt, sciunt horum ætate floruisse HENRICUM IV. in occidente imperii gubernacula regentem, cui cum GREGORIO odia bellaque ad internecionem usque, intercesserunt. COMNENA horum omnium mentionem iniecit, sed nemo mirabitur, si talia quandoque referat, quæ illorum memoriam obscurant. Hanc ob

causam

causam latinis scriptoribus male audit, sed propterea historia ab illa scripta non manibus ejicienda est. Fieri potuit, ut veris miscuerit falsa, etiam accidere potuit, quod odio, iræ, aliisque animi commotionibus nimium indulserit, sed qui scriptores ab his nævis immunes sunt? Nonne latinis idem exprobrandum venit, quod partibus suis faverint, & ex lubricine multa vel affirmaverint, vel negaverint, vel etiam silentio præterierint. Veritatis amans lector omnes legit, eosque comparat & quæcunque narrantur, limat floriferis ut apes in saltibus. ALEXIADOS libri magnam partem complectuntur bellum primum pro recuperanda terra sancta contra Turcas gestum, cujus dux GOTEFRIDUS bullionæus fuit, quem regem Hierosolymorum crearunt. Vulgo notum est, græcis, imprimis ALEXIO crimini verti, quod celtas, ita enim ANNA omnes vocat, qui ultra mare adriaticum ad columnas herculeas usque habitaverunt, & contra Turcas in orientem profecti sunt, multis modis circumvenerint. Sed operæ pretium erit legisse, quæ in ALEXIADE hac de expeditione narrantur, quo omnium rerum circumstantiis comparatis certius judicium ferre possimus. ANNA illam libro X. descripsit & causam ejus seu originem a PETRO monacho, quem a vestitu *μυκέντης* appellat, repetit. Deinde magnam Europæ commotionem, „quæ, ut ait, universa inopinato „exurgens convulsis sedibus tumultuoso cursu se in Asiam transtulit,“ memorat. Hujus ævi homines omnis generis superstitione non solum imbuti, sed capti fuere. ANNA ab hoc vitio non libera fuit. Locustarum, quæ paulo ante græciam infestarunt, multitudinem invasionis istius triste omen fuisse existimavit. De cometis ex opinione, quæ longis adhuc post eam seculis mundum fascinavit, & omnia terriculamentis implevit, judicavit.

Sed

Sed hæc rerum gestarum veritati nihil detrahunt. Historiæ cultores, fata hominum regnorumque scire cupientes, quid in pace & bello gestum, qua ratione, quove consilio quidvis gestum sit, discere cupiunt. Rerum eventus, horumque vicissitudines illos delectant, instruunt & ad præclare facta imitanda instigant. Ex hoc apparet, quantum scriptores, qui sui temporis gesta, vel quæ paulo ante se acta sunt, litteris mandant, præsent iis, qui res longis seculis ante factas commentantur. ANNA patris sui historiam, quam scire potuit, composuit, ergo quæ ab illa narrantur, magni facienda & fide digna habenda sunt, scire enim potuit, quæ scripsit. Hac de re CAROLUM DU-FRESNE, cangii dominum loquentem inducam. Laudatissimus hic vir in præfatione ad CINNAMII historiam ab ipso editam NICEPHORI cæsaris, ut & ANNÆ ejus uxoris opera celebrat. „Historiam, inquit, a conjuge BRYENNIO (hic idem est „NICEPHORUS) exaratam prosecuta est ANNA COMNENA „CÆSARISSA, eique ALEXIADIS appellationem indidit, quam „quidem acri profecto supra sexum judicio ac singulari elegantia conscripsit. „ALEXIO autem imperante e gallia Normanni in illius principatu, totoque græcorum imperio, cum in Italia, atque adeo in Dalmatia, præclaris patris facinoribus plurimum inclaruerunt, tum vero potissime Franci, „cum iis GOTEFRIDO duce in palæstinam properantibus ALEXIUS „obstitit, qui non semel cum ingenti suorum strage repulsus est. Rebus „proinde ipsis, quas cum laude descripsit & variis utrinque cum Imperatore „re vtro initis fœderibus interfuit, * oculisque ipsis plerosque usurpavit

„EX

* In prima hac belli expeditione ANNA minor natu fuit, proptereaque rebus tractandis ipsa interesse non potuit. Sed libro XIV. *Alexiados* testatur: se commentariis virorum fide dignissimorum, qui patris militiam hoc tempore secuti sint, usam esse.

„ex inclytis illis ducibus ac belli fulminibus, quorum appulsu oriens totus
 „cohorrui. Quin & singulorum notavit nomina, dignitatem generis &
 „quæ gerebant munera designavit &c. „ ALEXIUM vafritiei infimulat
 cangii dominus, sed præterit rationes, quæ imperatorem græcorum vaftrum
 esse coegerunt. Has paucis exponam. ANNA celtas omnes, imprimis
 francicos ita depingit, ut ALEXIUS merito sibi ab ipsis cavere debue-
 rit. Inter latinorum, ita omnes vocat, qui ecclesiæ romanæ statuta secuti
 sunt, duces BAIMUNDUS ROBERTI filius claruit, qui patrem odio
 in ALEXIUM æquavit. Ab hoc imperatoris animum alienum fuisse
 nemo mirabitur. Præterea europæi principes omnes incredibili arrogantia
 inflati græcos a pontifice romano hæresis nomine infamatos despexerunt,
 quid quod? oderunt, ipsum Imperatorem contemtum tractarunt. Quam
 igitur animi sinceritatem, quam consilii atque auxilii promittitudinem ab eo
 exspectare potuerunt? Fastus illorum exemplo sit epistola HUGONIS
 regis gallorum fratris ad ALEXIUM missa, quæ his verbis concepta
 fuit: * „Scias Imperator! me esse regem regum & majorem cunctis, qui
 „sub cœlo sunt. Itaque simul istuc advenerim, par est excipi me a te
 „magnifice ac prout nobilitati meæ consentaneum est. „ Aliud exemplum
 sit oratio, quam ejusdem legati coram Dyrrhachii ** duce habuerunt.
 „Notum tibi sit o dux! inquebant, dominum nostrum Hugonem quam-
 „primum huc trajecturum sumto nuper Romæ aureo vexillo S. Petri.
 „Scias porro, ipsum esse summum ducem francicæ militiæ universæ. Para
 „igitur te ad eum exercitumque ejus pro dignitate ipsius excipiendum,
 „memi-

* *Alexiadis* Lib. X.

** Dyrrhachium urbs Siciliæ fuit.

„meminerisque occursum illi debitum reddere.“ Plura non addam. Lector ipse ex his de latinorum natura & indole, anque tales homines græcis grati acceptique hospites esse potuerint, judicet.

Alius, quem Lectores ex ALEXIADÉ capturi sunt, fructus in rerum ecclesiasticarum cognitione consistit. De dissensione, quæ religionis causa græcos inter latinose intercessit, non disseram, ea enim notior est, quam ut eam hic describi necesse sit, neque ANNÆ mens fuit, hujus dissensionis rationem explicare, quanquam auctor * *Bibliotheca illustrum faminarum, quæ scriptis claruerunt* memoriæ prodiderit: *Anna scripsit Alexiada b. e. historiam ecclesiæ constantinopolitane & controversiarum religionis in orientalibus ecclesiis motarum.* Hoc a consilio ejus scribendi valde alienum fuit. Majoris momenti est, quod ex hac historia de statu religionis christianæ hujus ævi cognoscitur, nempe illam tam in oriente, quam occidente frivolis & superstitiosis opinionibus inquinatam fuisse: HUGONEM regis francici fratrem vexillo aureo S. Petri instructum in bellum adversus Turcas profectum fuisse intelleximus, quo fretus hostes vincere speravit. ALEXIUS imperator adversus Scytas pugnans in prima acie stetit pallium Mariæ Virginis in vexilli militaris usum explicatum altera manu tenens. Pallium hoc τὸ τῆς λέγου μητρός ἁμάρων vocatur, ex quo intelligimus, græcos non satis habuisse, si quis statuerit, Mariam Christum hominem Spiritu S. eam imprægnante utero concepisse atque peperisse, sed etiam dicere debuit, illam τὴν λέγου matrem fuisse, quæ quidem sententia conciliorum decretis nititur, nam Mariam Θεοτόκον appellari placuit, ast hoc adversariis religionem cavillandi, eique obrectandi occasionem præbuit. Neuter istorum

B

princi-

* LUDOVICUS JACOB a S. Carolo cabilonenfis.

principum vexillo adjutus fuit. HUGO naufragio pæne submersus fuit. ALEXIUS se signo omisso in fugam dedit. Alibi mentio fit mucronis, quo latus Christi perfoſsum fuit. Hunc ex juvenibus principibus GAURAS quidam sacris adytis perforatis furatus est. Ergo occidentale imperium de hujus mucronis possessione non solum gloriatur, orientale non minus tale κειμήλιον se habere latatum fuit. BASILIUS, bogomilorum caput, in vincula conjectus fuit. Hunc diabolus ira incensus, quod mysteria prævæ religionis imperatori revelaverit, lapidibus missis obruisse perhibetur. Hoc non solum imperatori argumento fuit, BASILIUM hæreseos reum esse, sed ejus filia, cujus ingenium bonis artibus expolitum fuit, hujus rei memoriam litteris conservavit, ut doceamur, quanta superstitionis vis & in viris & in sceminis fuerit. Forte ecclesiasticæ historiæ amatoribus imprimis gratum erit percipere, quæ de Hæreticis ab ANNA prodita sunt. ALEXII tempore homines detecti fuere, qui e Manichæorum secta pullularunt, & mox PAULICIANI, mox MASSILIANI, mox novo nomine BOGOMILI appellantur. Postremi ex prioribus, qui in Thracia vixerunt & non solum urbes, sed etiam castra habitarunt, prodiisse videntur. Placita sua clandestine Constantinopoli & hic vicinæ spargere, suos APOSTOLOS seu emissarios habuere, etiam mulierum opera usi sunt, quas DIACONISSAS nominarunt, imagines, imprimis cruces aspernati sunt, sacras ædes dæmonum templa esse dixerunt, Sacramenta rejecerunt, de Christi naturis perverse senserunt, & theologiam christianam prorsus inverterunt, cæterum pie casteque viventes. Hos ALEXIUS non clementius tractavit, quam ethnici imperatores primos christianos, igne in illos furens. Attamen hæresin non extirpavit, contra illa

illa in totam Europam evagata CATHAROS, PATARENOS, PUBLICANOS, CIRCUMCISOS, cujus nominis rationem nuper in singulari dissertatione de *circumcisis seculi XIII. hæreticis* investigavi, præterque hæc alia sectariorum nomina & consortia peperit. Nomina quidem diversa sunt, sed homines iis insigniti eadem senserunt & docuerunt.

Inter protestantium religioni addictos viri eruditi exorti sunt, qui hæreticos tam prave de Deo rebusque divinis statuisse negarunt, pontificum romanorum sectatores criminantes, quod ipsis falsa imputaverint. Sed ALEXIUS in græca, non romana ecclesia satus atque educatus pontificem romanum non sectatus est. Filia ejus ANNA COMNENA & EUTHYMIUS Zigadenus, cui imperator id muneris imposuit, ut in *Panoplia dogmatica* errores hæreticorum exponeret & convelleret, romanenses sectati non sunt. Hi tamen BOGOMILIS opiniones tribuunt, quæ manichæorum placitis convenientissima sunt. Præterea imperator non pro lubitu cum iis egit, sed concilium omnium ordinum proceribus, quibus etiam militiæ præfecti adjuncti fuere, convocatis habuit. Coram his BASILIUS sententias suas enumeravit, prout coram imperatore & ejus fratre ISACIO solis fecerat. An hi omnes verè in falsâ pervertisse atque misero homini alia, quam ipse professus erat, affinxisse censendi sunt? Si quis ita judicare velit, non sincera historia hæreticorum in mundo invenienda esset. INQUISITORIBUS hæreticæ pravitatis, uti vocantur, non tribuendum est, quod errores finxerint & hæreseos suspectis opiniones, quas nunquam habuerunt, adscripserint, sed hoc ipsis vitio vertitur, quod homines ob doctrinas, quas fideliter didicerunt & pro veris habuerunt, quasve mutare illorum arbitrii non fuit, capitis damnaverint.

Latini scriptores ALEXIUM unanimi consensu & simulandi atque dissimulandi arte exercitatissimum fuisse tradunt. GUILIELMUS Tyrius expressis verbis dicit: * *Nequam fuit & vir subdolis*, porro: *Quidquid loquebatur; dolus erat & circumventio*. Hæc ejus indoles fuisse videtur, quidquid filia ejus commemorat, eum supra modum laudibus extollens & decimum tertium Apostolorum fuisse scribens. ** In aula, in ecclesia, in bello, in hæreticorum examinibus arte usus est. Si dolo vel fraude hostem circumvenire potuit, nunquam aperto prælio certavit. Ex BASILIO, quid de religionis capitibus sentiret, discere cupiens, se ejus doctrinam vitamque probare & ejus scholarem fieri velle simulavit, quod imperatore indignum fuit. In græcis omnibus hoc tempore magna levitas animique inconstantia observatur. Nihil stabile apud illos, ipse thronus varius & mutabilis fuit. Ab anno MLIV usque ad annum MLXXXI intra triginta annos imperatores octo hinc inde agitati fortunæ inconstantiam experti sunt. MICHAEL DUCAS successit DIOGENI, qui in Turcarum potestatem pervenit, atque ab iis oculis privatus fuit. NICEPHORUS BOTONIATES sibi Ducæ uxore juncta ipsum monasticam vitam agere coegit. ALEXIUS COMNENUS Botoniate regno depulso ipse thronum ejus conscendit. Sed antequam ad hoc fastigium elatus fuit, ipse insidias habuit, quæ illo imperatore non cessarunt, sed illum alto jactarunt & undis. Adversarii, quos inter subditos habuit, eo audaciâ processerunt, ut & AUGUSTUM & AUGUSTAM libellis famosis lacessere non abstinuerint. Hæc de græcorum vitiis dicta sunt. Quod si nos ad
latinor

* De bello sacro Libro II. c. 5.

** Libro XV.

latinos convertamus, ad GREGORIUM VII. papam, ad HEINRICUM IV. imperatorem, ad ROBERTUM ducem, qui, quamvis peregrinus in Italia fuerit, sibi tamen principatum in græcorum ditionibus paraverat, ad BAIMUNDUM filium ejus, ad PRINCIPES denique qui sacræ militiæ præfuerunt, pauca laude digna, contra vitiorum & scelerum omnia plena invenimus, ut christianorum conditio nullo tempore foedior tristiorque apparuerit.

Ex scientiarum disciplinis *grammatica, rhetorica, logica*, quæ ex Aristotelis organo discebatur, & *poësis* in græcia floruerunt. His sacra dogmata seu *Theologiae studium* adjunxerunt, quæ quidem maximam partem ex S. Scriptura hausta, erroribus & præjudiciis conspurcata fuit. Latini easdem disciplinas persecuti sunt, sed paulo segniore græcis fuere. ANNA COMNENA multos ætatis suæ viros eloquentia antecessit, quod lectioni Platonis & Platoniorum attribuo, res quasvis, nomina, dignitates aulicas, civiles & militares exprimentia, oppida, castra, instrumenta, machinas bellicas, & præter alia ignem, qui græcus dicitur, quia græcorum inventum fuit, quemque ipsa libro XI. *πυρρόμαρον πύρ* appellavit, verbis aptis & clavis descripsit. In virtutibus extollendis & vitiis culpandis facundissima est, quæ omnia illius ingenio adscribenda sunt. Hac re sine dubio factum est, quod ingeniosissimus nostri ævi scriptor eam Q. CURTIO comparaverit. * In ALEXII laudibus ponendum est; quod misericordia erga pauperes usus fuerit. Pueros parentibus orbatos conquissivit, quos partim consanguineis

B 3

neis

* VIGNEUL MARVILLE *Mélanges d'Hist. & de Littérature T. III. p. 36.*
L'Alexiade d'Anne Comnene a son mérite particulier. C'est une histoire polie & qui va de pair avec l'histoire d'Alexandre le grand écrite par Quinte Curce,

neis pecunia data commendavit, partim per monasteria distribuit, quo liberaliter instituerentur. Tandem in ipsa urbe regia Orphanotrophium, quod non orphanis tantum, sed omnis generis miseris ægrotisque inserviret, extruxit, ut magnitudine, pulchritudine & commoditate arcem æquiparet. Antequam hanc dissertationis meæ partem finiam, duo adhuc in medium proferenda ducō. Primum est GER. JOAN. VOSSII de ALEXIADE judicium, alterum erit judicium meum de JAC. GRETSERI, e societate Jesu, Ingolstadtensis scripto ALEXIADI opposito. VOSSIUS libro *de historicis græcis* c. XXVIII, de ANNA COMNENA scriptum reliquit: „Multa de parente suo longe aliter narrat, quam latini solent, qui „omnes prope, si unum excipias Albertum, canonicum aquensem; cæsa- „rem eum describunt, tanquam hominem fraudulentum ac perfidum. Sed „satis verisimile est, tum latinis suo erga græcum iniperatorem odio, tum „filiam Comnenam amoris erga patrem suo aliquanto amplius indulgisse, „quam per leges historię liceret.„ Hæc viri clarissimi verba ideo hoc loco adscripsi, quia judicium meum apprime confirmant. GRETSE- RUS *refutationem alogiarum Anna Comnena contra Gregorium VII. papam Ingolstadii an. 1611. 4. edidit.* Hunc librum non ad manus habeo, sed ex ipsa ALEXIADE eliciam, quas alogias strenuissimus hic romani pontificis satelles reperierit. Forte prima & omnium maxima ipsi visa est, latinos risui fuisse ANNÆ, quod episcopum romanum *πρωτον ἀρχιερα καὶ προκαθημενον τῆς οἰκουμένης ἀπάσης* habeant, cum ex ejus sententia sceptris e veteri Roma Constantinopolim translatis etiam *τῶν θεῶν ἀρχιερατικὰ ἱερέα* illuc traducta sit. Deinde sine dubio illum male habuit, quod COMNENA scripserit: „Legatos HENRICI IV. imperatoris a GREGO- „RIO

„RIO VII. pontifice contra omnem humanitatem tractatos fuisse, ita ut „nefas esse putaverit narrare, quomodo hanc barbaricam commiserit. „ Pu- „dicit mulierem referre, legatos a summo pontifice & Christi, uti habetur, vicario spadones remissos fuisse. Verum est, hoc a nullo scriptore, neque a BENNONE cardinali, qui infensissimo erga GREGORIUM fuit animo, illumque multorum scelerum insinulavit, probro datum fuisse. Sed fuere multa alia, quæ in ipso vituperata sunt. Quid Conossæ actum sit, neminem fugit, nisi qui historiæ ignorantissimus sit. Ex his facile intel- lectu est, quæ vir iste rationi contraria esse duxerit. Hujusmodi homi- nes, quod præjudicatis suis opinionibus conveniens est, rationem vocant, quodque ipsis adversatur, *αλογισμ* habent.

ANNA COMNENA, uti dictum est, BRYENNIO, quem ALEXIUS ad dignitatem cæsaris evexerat, nupsit. In præfatione corpo- ris ejus proceritatem & pulchritudinem, nec non animi dotes maximopere celebrat. Hic BRYENNIOUS foci sui res gestas IRENÆ augustæ precibus inductus perscribere suscepit, sed vix illis, quæ in adolescentia ejus acta fuerant, perfectis, mors illum occupavit. Ejus igitur vidua, quæ incredibili parentis amore flagravit, illiusque memoriam immortalitati con- secrari cupiit, præterea dolorem ex mariti obitu conceptum suavissimi la- boris negotio lenitura ALEXIADEM litteris expolire in animum insti- tuit, illamque haud invita Minerva anno MCXLVIII. ætatis suæ sexa- gesimo quinto, nam MLXXXIII. in lucem edita fuit, ad finem per- duxit. Non est dubium, quin historiæ hujus volumen, tum ob rerum in ea comprehensarum gravitatem, tum ob scribentis auctoritatem, a pluri- bus descriptum & in bibliothecis conservatum fuerit. Sed ad populos, qui

Latini

Latini dicti sunt, quinque tantum, quantum scio, exempla pervenerunt, quorum duo in tenebris projecta latent, reliqua vero manca & mutila reperiuntur. Editiones typis expressæ tres factæ sunt. Ex manuscriptis Tolosanum, quod chartaceum est, primum innotuit, quod celeberrimi Jurisconsulti, JACOBUS CUJACIUS & PETRUS FABER, unus post alterum possederunt. Hi qui quantique viri fuerint, ex THUANO operæ pretium est intelligere. Is *Historiarum* L. CXXIII. de illis litteris mandavit: „Petrus Faber ad clarum familiæ in novempopulonia decus „probißimos mores & singularem antiquitatis omnisque divini & humani „juris cognitionem attulit & doctissimis scriptis præceptoris sui Jacobi Cujacii vestigiis insistens testatam ad posteritatem fecit, postquam amplissimis togæ honoribus defunctus est & principem in senatu tolosano locum „postremo totum triennium tenuit, sexagenario major ad Deum migravit „iste CUJACIUS primus fuisse videtur, qui ALEXIADEM lucî redere voluerit, HOESCHELIUS enim anno MDCX in dedicatione editioni suæ præmissa scribit: „Ab annis quinquaginta hujus libri (ALE- „XIADOS) editio expectata fuit a doctis non semel expetita. „ Hæc quidem expectatio doctos frustrata est, sed a CUJACIO excitata esse videtur, vel a discipulo & amico ejus FABRO, quorum HOESCHELIUS in præfatione ad lectorem mentionem fecit scribens: „Ex quindecim Alexiadis libris octo hic damus perpetuo fere lacunatos, quot & quales nimirum ex augustano autographo præsentare licuit, satius enim visum, rem „litterariam nobis hunc semissem debere, quam toto æternum carere. In- „tegrorum & meliorum exemplarium domini, utinam invidiam non ferant, & luminibus nostris quamprimum obstruant. Præstantissimum „Fabrum,

„Fabrum, regium Tolosæ senatorem nominatim appellamus, apud quem „magni CUJACII codicem extare aiunt.„ CUJACIUS integrum codicem possedit, illumque FABRO moriens commisit, ut præstaret, quod ipsi præstare non licuit, hoc est, ALEXIADEM typis vulgaret. CUJACIUS id antea promississe videtur, nam si ab anno MDCX retrogre- diamur, quinquagesimus, de quo HOESCHELIUS scripsit, in annum MDLX. incidit, quo magni hic nominis juris professor jam in celebritate versatus est, cum FABER adhuc artium rudimenta posuerit, hic enim MDXL. ille contra MDXXII. natus fuit. HOESCHELIUS Fabrum obtestatur, ut hunc librum reipublicæ litterariæ non longius invideat. Sed hæc obtestatio inutilis & spe fructus cassa fuit, quia vir hic decem annis ante quam HOESCHELIUS illam conceperat, diem obiit supremum.

DAVID HOESCHELIUS augustanus igitur fuit, cui prima edi- tio ALEXIADOS debetur, VIII. tantum priores libros complectens, quot codex bibliothecæ publicæ, quæ augustæ vindelicorum servatur, ha- bet. Hanc anno MDCXVIII. prodiiisse quidam prodiderunt, sed se aliosque fefellerunt, dedicatio enim pridie nonas Septembr. MDCX. scripta fuit. Præterea textum græcum solum reddit. Quid HOESCHE- LIUS in hac editione præstiterit, ipse in epistola dedicatoria ad MAR- CUM VELSERUM in republica litteraria non ignotum virum & JOA. JAC. REMBOLDUM scripta, his verbis narravit: „Nunc e vestra „bibliotheca eruti illi (octo libri) juris publici fiunt, in quibus partim „menda librarii tollendo, partim lacunas explendo, non nusquam etiam „notis quædam illustrando, quantum ingenii tenuitas est passa, temporis- „que angustia, si quod operæ pretium candide judicaturis videbor fecisse,

C

„laboris

„laboris non absque magni viri autoritate suscepti minus me poenitebit.” Non dubito, quin HOESCHELIUS plura promiserit, quam præstare potuit. Quo enim modo menda librarii emendare potuit aliorum codicum auxilio destitutus? Quomodo lacunas explere potuit, eodem subsidio carens? Ingenii vi & felicibus conjecturis potuit, sed nulla autoritate. Notæ ejus non adeo multæ, attamen alicujus pretii sunt. Qualiscunque vero illius opera fuerit, ideo tamen est æstimanda, quia PETRUM POSSINUM & ipsum tolosanum excitavit, ut novæ & completioris editionis curandæ consilium primo secum animo versare, deinde publicare instituerit. Ab initio res parum feliciter successit. HOESCHELIUS dictis impulsus codicem illum cujacieum, qui in manibus faberianæ gentis collocatus fuit, omni cura & diligentia inquisivit, sed sine fructu. Ipsum hac de re in epistola ad PETRUM SEGUIERIUM Franciæ cancellarium loquentem audiamus. „Jac. Cujacius, inquit, vir longe omnium ingenio, juris scientia, linguarum notitia clarissimus, Alexiadis codicem nactus, legit, suspexit, prædicavit. Denique quo nihil Annæ, nihil rei litterariæ consulere opportunius potuit, viro illam ornatissimo eruditissimoque commendavit Petro Fabro, a quo editionem cum interpretatione latina conjunctam sperare ipsam oporteret. At o fallacem reconciliatæ cum sorte adversa gratiæ fidem! recrudoit brevi atrocior, quam antea satorum in Annam rigor: nunquam desperavimus de illa justius, quam ubi proxime spem veneramus. Subtrahitur rebus humanis re infecta Faber. Exemplar unicum Alexiadis ex ejus scriniis clam aversum, in nescio, quod barathrum, quasve latumias contruditur inexorabilis custodiæ: nisi potius (quod verisimiliter alii rentur) casu quodam infesto absumtum est funditus.”

Post-

Postquam POSSINUS Cujacii codicem diu satis quæssivisset, nec invenisset, factum est, ut spem abjecerit ALEXIADOS edendæ, neque illam recuperasset unquam, nisi SEGUIERIUS, vir litterarum studiis, ac regni administrandi prudentia æque pollens, illum de hac re non amplius cogitantem revocasset & ad hoc opus denuo assumendum extimulasset.

Hujus viri auctoritate historiæ byzantinæ scriptores præliis regiis in unum corpus collecti atque constipati fuere omissa ALEXIADE, cujus non nisi mancum & mutilum HOESCHELI exemplum extiterat, audiens igitur POSSINUM editionem ejus integriorem animo voluisse, ipsi opem suam obtulit & cum spes cujaciei codicis in usum adhibendi tota præcisa esset, circumspexit de aliis subsidiis. Fuit tum temporis bibliotheca barberiniana Romæ ob manuscriptorum codicum copiam celebratissima, igitur SEGUIERIUS cardinalem FRANCISCUM BARBERINUM summis precibus sollicitavit, ut, si quem ALEXIADOS codicem haberet, illum suppeditaret, quo hujus libri editio accurata expediretur. Cardinalem ad hoc officium præstandum paratissimum invenit. Alius codex in bibliotheca medicea Florentiæ latuit. Vir litterarum studiis præclarus LUCAS HOLSTENIUS tum bibliothecæ barberinianæ præfuit. Hic utrumque codicem, barberinianum atque medicæ conferre suscepit, ex quo novus codex conflatus, atque ad SEGUIERIUM, & ab hoc ad POSSINUM missus, fuit. Is igitur denuo animum meliorem ad editionem ALEXIADOS cum versione latina formandam applicavit, de quo suo proposito in præfatione ita scribit: „principio sic constitutam, duo esse præcipua, in quibus me elaborare oporteret, nam & faciendum esse, ut græcum exemplar quam emendatissimum exiret, tum

„annitendum postea, ut, quæ ex eo exprimeretur latina versio, veram
 „auctoris sententiam rectissime assequeretur, planissimeque redderet.” Ne-
 „mo erit, qui hoc consilium non probaverit, sed audiamus, quid consilio
 „ejus obstiterit, quo minus perfici potuerit. POSSINUS pergit narrando:
 „codex, qui ad manum erat unicus tumultuarie ex duobus mutilis con-
 „gestus confususque passim incertæ palamque interim mendosæ. lectionis vo-
 „cibus scatebat, lacunis ad hæc hiabat toto sparsis operis corpore, cujus
 „caput ipsum, hoc est elegantissima & libro dignissima præfatio Annæ de-
 „siderabatur tota. — Clausula porro historiæ, postrema scilicet quintidécimi
 „pars libri, creberrimis fatiscens rimis, pertusi passim vetusta carie centon-
 „nis, aut collabescentis ruinosaque mæceriæ speciem habet.”

Quam adversa, quamque infausta omnia accuratæ libri editioni com-
 parandæ fuerint, videmus. Attamen animum non abiecit POSSINUS. Omnibus hisce difficultatibus prudenter & fortiter obviam ire instituit, non-
 nullas superavit, de quo lectores his verbis docet: „præfationem ex ex-
 „cerptis augustanis, prout licuit, supplevi: Nævos sensum elegantix in
 „lectore magis interpellaturos, quam rerum gestarum cognitioni aut histo-
 „riæ integritati quidquam subtracturos esse intellexi. An ideo desponde-
 „rem animum editionisque consilium abjicerem? An quindécim Alexiadis
 „libros publicis invidendos desideris & æternarum rursus addicendos te-
 „nebrarum ergastulo censerem? Neutrum opinor quisquam æquus erudi-
 „tusque suavisset, ne probasset quidem. Illa igitur mihi sententia necessa-
 „rio reliqua facta est, qua decernerem: Contextum quidem græcum plane
 „intactum relinquere, ne manifestis quidem sollicitandis mendis, quamdiu
 „veræ lectionis fundum non haberem majoris antiquitatis & autoritatis codi-
 „cem;

„cem; totam vero industriam in elaboratione latinæ versionis expromere,
„qua, iudicio, si quod esset, ac diligentia in subsidiorum deficientium lo-
„cum subrogandis, explendis hiatibus, corrigendis ex conjectura vitiosis
„locis, modis denique omnibus allequi conarer, ut nitor primigenius operi
„pulcherrimo, quoad per quinque seculorum squalorem & exitiabiles in-
„festissimorum omnis generis casuum injurias liceret, hodierna editione
„redderetur. En quid voluerim, quo studium & conatum intenderim.
Ex his intelligitur, quid studio & industria POSSINI lucrati simus.
Primo ANNÆ COMNENÆ præfationem, quæ in binis italicis codici-
bus desiderata fuit; deinde versionem, quæ hiatus expleat & loca vitiosa
corrigit. Quod sensum attinet, jam monui, ejus versionem non omnibus
numeris absolutam atque perfectam esse. POSSINUS Comnenæ elo-
quentiam latinitate sua æquiparare voluit, quo factum est, ut versio ejus
verbis copiosior sit archetypo & a sensu ejus nonnunquam recedat.

Ut appareat, me hic nihil affirmare, quod veritati non congruum sit,
id charis exemplis ob oculos positus docebo, eligam vero ex historia mani-
cheorum loca quædam. ANNA Libr. XIV. de PAULO & JOAN-
NE sectæ manichaicæ restauratoribus narrat: *οἱ τῆς αἰσεβίας τῷ παντί
πιστοῦσθαι ἀρχὴν τῶν ἀπ' ἐκείνων μελετῶντες. ἐβυλόμην δὲ τὸ δόγμα τῶν
μανιχαίων ἐπιδορμῶν καὶ συντεταγμένους ἀναπύξαι πρὸς τὴν ἀνάλυσιν
τῶν αἰσιωτικῶν δογμάτων τῶν.* Hæc POSSINUS interpretatus est: „Qui
„præ cæteris impiis discipulis, deteritimi dogmatis merum venenum nul-
„lum mistum emollitionis temperamento ex facie ipsa pestiferi fontis hau-
„sissent & nomen & errorem in hos suos sequaces ac posteros propagave-
„rant. Equidem nisi me historiæ prætexendæ, quam institui, cura evoca-

„ret, efferri me sinerem impetu animi excurrere subinde gestientis in resu-
 „tationem execrabilium istorum dogmatum.“ Qui hæc cum textu compa-
 raverit, multa superflua inveniet, quæ auctori in mentem non venerunt,
 hic enim nihil de *emolliationis temperamento*, nihil de *face pestiferi fontis*, nihil
 de nomine *Æ* errore, nihil de *cura scribentis*, nihil de *impetu animi excurrere*
subinde cupientis, immiscuit, sed si verba & mentem ejus sequamur, hæc
 dicit: *Qui Manetis impietatis veneno inbuti id in posteros suos transfuderunt.*
Vellem igitur manichæorum dogma percurrere & disceptum percutere & eversioni
atheisticorum dogmatum ejus studere. Lectoribus non ingratum, neque inutile
 erit, si eos paucis docuero, quare Sectarii, de quibus sermo est, dogma-
 ta atheistica fovisse dicantur. Hujus sententiæ fundamentum est, quod
 Deum, quem universi architectum & rerum omnium inoderatorem suspici-
 mus & colimus, illi mundi hujus neque auctorem neque rectorem esse con-
 tenderint, & quamvis vocibus *Patris, Filii & Spiritus Sancti* uti sint, tamen
 id non eo sensu fecerint, quo catholici, per *Patrem* enim rerum invisibilem
 seu spiritualium fontem & scaturiginem, per *Filium* divinæ naturæ particu-
 lam hominibus communicant, & in JESU Nazareno singulariter præ-
 eminentem, & per *Spiritum S.* vim divinam intellexerunt. *Satanaclem* por-
 ro, qui spiritus ille rebellis, e cœli throno dejectus est, ipso *Æ* mayo-
 rem & præstantiorem fuisse statuerunt. Quis mirabitur, hæc a catholicis a
 ratione aliena & atheistica habita fuisse? Hoc solum meminerint lectores,
 hos homines non alio sensu atheos vocandos esse, quam quo PARA-
 CELSUS, BOEHMIUS gœrditiensis, DIPPELIUS & alii nostri tem-
 poris mysticarum doctrinarum fautores & cultores athei dicti fuerunt, ino-
 ipse *Theologia germanicæ* auctor, quem nostri theologi tantopere commenda-
 runt,

runt, hoc sensu atheus habendus esset. Si illos fanaticos appellare velimus, non errare, neque iis injuriam facere dici possemus, nam visionibus, apparitionibus & internis commotionibus multum tribuere.

Non tamen omnes in eandem sententiam ierunt, sed diversa secuti sunt, quæ omnium sectarum fors est, multos idem sentire, idem credere, idem docere difficile, quid quod? pro ut ingenium humanum est, impossibile videtur. De dissensu horum hæreticorum ANNA eodem libro prodit: καὶ ἡν ὡς εἶπον γε φῶται, κακῶν ἀπάντων μισγάνκται καὶ τὰ μὲν δόγματα διεφθάρη, συνεφθάρη δὲ τῶς ἀποστολαίς, οἱ ἄλλοι τοῖς μανιχαίοις, quæ in Possiniana versione ita redduntur: „Et inquinatissimarum sordium prono undi-
„que fluxu corrivatarum foedissima in imo commixtio, hæresium colluvione
„diversarum, dogmatibus dissonis, contumacia concordis, unam in com-
„munem velut cloacam restagnante rebellis impietatis.“ Ego vero simpli-
citer expono: *Et fuit, uti videtur, malorum omnium colluvies; in dogmatibus quidem dissentiebant, sed in defectionibus conveniebant, ut alii, manicheis.* De Trimontio loquitur Thraciæ urbe, quæ etiam Philippopolis vocata fuit, & in quam hæretici, tanquam in arcem aliquam, confugerunt, quo factum est, ut numerum catholicorum in hac urbe longe superaverint, & uti solet, ubi adversarii multitudine præstant, vexaverint, confugerunt autem huc ex diversis imperii partibus, alii paucioribus & minoribus erroribus implicati fuerunt, quod eodem tempore ecclesia latina experta est in CATHARIS & HENRICIANIS, qui pontificem romanum ejusque cœtum totis viribus oppugnarunt, sed ob dissensionem in dogmatibus ita adversus se ipsos insensu fuere, ut quandoque se communi hosti prodiderint, quod Colonix agrippinæ factum esse legitur. Idem de philippopolitanis

COM-

COMNENA scribit, dissenſiſſe illos in doctrinis ſuis, ſed inimicitia erga catholicos & defectione ab illis inter ſe conveniſſe. In ſequentibus con-
 verſionem quorundam manichæorum narrat: πολλοὶ μὲν ἐν Ἱηρικαῦτα τῶν μα-
 νιχαίων, μηδὲ διαζόντες ὅπως προήτεσαν τοῖς ἱεροῦσιν ἐξομολογούμενοι. τὰς σφῶν
 αἰμαρτίας καὶ τὸ θεῖον φωτισματός ἐπιβυγχάνοντες. Ultima hæc verba POSSI-
 NUS interpretatus eſt. „Et divini baptiſmatis participes facti ſunt.“
 Cum potius interpretanda ſint: *Et divino lumine illuſtrati fuerunt*, nempe ope
 ſacerdotum orthodoxorum, qui eos ex S. Scriptura meliora & ſaniora do-
 cuerunt. Ratio, cur ita exponendum eſſe duco, eſt, quia ſtatim ſequitur:
 τῶν δὲ πλείους πειθόμενοι τῷ θεῷ μάλιστα βαπτίσματος, illorum plures in meliorem
 ſententiam pertracti divini baptiſmatis participes facti ſunt. Manichæi & omnes,
 qui ex illorum cœtu pullularunt hæretici, baptiſmum, qui cum aqua fit,
 ſpreverunt, dicentes, illum eſſe baptiſmum Joannis, non Chriſti, qui igne
 & Spiritu S. baptizet, quam ob cauſam impoſitione manuum uſi ſunt loco
 baptiſmi, eumque baptiſmum Spiritus S. appellarunt; quod ſi hæreſi re-
 liſta ſe eccleſiæ catholicæ adjunxiſſent, uti Philippipoli multi ALEXII
 imperatoris, apoſtoli vice in hac urbe fungentis, perſuaſionibus permoti
 fecerunt, ſacro lavamine initiandi fuerunt. Intèr has Sectas hoc tempore
 caput extulerunt BOGOMILI, qui Conſtantinopolin, BASILIO quo-
 dam auctore & principe, valde afflixaerunt. De his libro XV. ſcriptum le-
 gimus: ἐλάνθανε δὲ δεινὸνταὺν γὰρ τὸ βογομίλων γένος ἀρετῇν. ὑποκρίνασθαι καὶ
 τρεῖς μὲν κοσμητὴν ἐκ αὐτῶν βογομιλίζουσαν, κέρρυται δὲ τὸ κανὸν ὑπὸ τὸν μαν-
 δύαν καὶ τὸ κοκκύλιον, καὶ ἰσκαθάρτακεν ὁ βογομίλος καὶ μίγρει εἰνός ἐκτίεται καὶ
 κεκυφὸς βαδίζει καὶ ὑποφιδυρίζει τὸ σῶμα, τάνδους δὲ λύκος ἐστὶν ἀνάδικλος. Hoc
 POSSINUS tranſtulit: „ſub cinere muſſavit, ſqualorem enim religioſæ
 „auſteri-

„austeritatis ac poenitentiae genus imprimis istud affectat, in eaque simulationis vafritie palmam obtinet. Itaque non facile videas aliquem ex comatis istis more seculari ad Bogomilorum sectam adhærescere, mantelo ac cuculio longe sese libentius hæc pestis abscondit, fereque tristium genere naso tenus opertorum, demisso capite incedentium ac inter eundum nescio, quæ vota precesve arcano sub lingua murniure susurrantium, homo bogomilus est, sub ista mihi specie lupinam intus obtegens rabiem.„ Ego vero mentem auctoris ita exprimendam puto: *Latuit autem pessimum Bogomilorum genus virtutem simulans, ut capillum mundano modo ornatum non videres inter Bogomilos, malum sub mantelo & cuculio latet, tetro vultu est Bogomilus & naso tenus absconditur, oculis in terram versis ingreditur, ore murmurans, intus vero lupus non conspicuus.* Quod rem ipsam attinet, hæc de PERFECTIS Bogomilorum intelligenda sunt, qui se habitu monachorum involverunt, quo facilius latere possent, vultum tristem & dejectum gerentes, precesque, quo starent, quoque vaderent, mustitantes, quare etiam *ιουδαίαι* h. e. *precantes* vocati sunt. Vocem MASSALIANI idem significare auctor est JACOB TOLLIVS. Hoc notum est, quod precatio Turcis SALA dicatur. PERFECTI autem fuere, qui sectæ toti dediti fuerunt, quoad dogmata, quoad mores. Ab his distincti fuerunt CREDENTES seu qui sectæ illorum studio tenebantur inter catholicos adhuc versantes. Hæc distinctio apud ALBIGENSES quoque in usu fuit. ANNA de Basilio isto, sectæ capite, loquens scribit: *τὴν θεολογίαν ἡμῶν παρεβλήθητε καὶ τὴν οικονομίαν πᾶσαν ἰφάντατε, καὶ τὸς ναὺς οἶμι τὸς ἱερὸς ναὺς δαιμόνων ἀνέμακε. καὶ τὸ τηλούμενον παρ' ἡμῶν σῶμα καὶ αἷμα τὸ πρῶτον καὶ ἀρχαίως καὶ θύματος παρὰ φῶλον ἰθεὶ καὶ ἰλορίσθη,* quæ a POSSINO ita interpretata leguntur:

D

„Divinam

„Divinam Christi naturam creditam a nobis traducebat impius & humanitatem ipsam incarnati verbi, nihil verum extitisse, sed merum duntaxat „spectrum phantastici corporis garriebat vesanus nebulo. Quin etiam „templa, heu mihi! sacra templa phana demonum prophanus appellabat. „Et quod legitimis ceremoniis rite consecrari ac fieri apud nos solent corpus & sanguis, qui primus pontifex idem fuit & victima, aspernabatur „consuetudinem religiosam & reprobabilem revocandamque censebat. „Interpres hic non solum alienas voces, quæ in textu non reperiuntur, intrusit, sed etiam mentem scriptoris theologiam Bogomilorum exponentis mutavit. ANNA de phantastico Christi corpore ne verbum quidem profert & BASILIUS huic parti non adhæsisse videtur, quæ Christum corpus e coelo secum tulisse finxit, potius sibi persuasum habuit, soferem nostrum hominem fuisse corpus habentem eadem lege, qua reliqui homines, constructum, præ cæteris vero hominibus divinis dotibus donatum fuisse. Verba ANNÆ itaque reddenda sunt: *Theologiam nostram contempsit, Totam economiam imaginatione deceptus (aliter) finxit. Heu! sacra templa demonum templa nominavit. Consecratum pro nobis corpus & sanguinem primi & pontificis & sacrificii inter nugas habuit & reputavit.* Plura exempla non dabo. Lectores ex hisce satis cognoscent, quanti possiniana versio ALEXIADIS habenda sit. Si stilum stupeant, verum tamen & genuinum sensum quandoque desiderabunt.

POSSINUS non solum in versione, sed etiam in aliis rebus lectorem ALEXIADOS adjuvantibus industriam suam collocavit, quæ ex latino titulo intelligi possunt. Titulus est: ANNÆ COMNENÆ *Porphyrogenita casarissæ* ALEXIAS, *sive de rebus ab ALEXIO imperatore vel*
ejus

eius tempore gestis libri quindecim e Bibliotheca barbarina nunc primum editi & a PETRO POSSINO societate Jesu Presbytero latina interpretatione, glossario & notis illustrati, e quibus glossarium nunc datur, notæ mox opportunius edentur, una cum SINNAMO continuatore ANNÆ & aliis quibusdam ad ALEXIADEM spectantibus. Accesserunt præfationes ac notæ DAVIDIS HOESCHELII augustani. Cum hoc titulo conferri debent, quæ auctor ejus præfationi subjecit suæ. „Cognoscere poteris quædam e glossario, „longe plura e notis, quorum illud nunc damus, has retinere adhuc cogimur, paulo post cum tibi grato publiceque utili auctuario reddendæ. „Quando nimirum Annæ nostræ, quam modo solam emitimus, sua unius „ornatam majestate, comitatum addemus proprium, justo brevi edendo „volumine, quo cæsariæ primum vita ipsius e veteribus collecta monumentis exhibebitur. Alexii deinde panegyricus, ipsi coram a Theophylacto dictus, Alexiadis totius elegans compendium addetur. Subjicietur „abacus chronologicus certo digerens ordine res omnes quindecim Alexiados libris expositas. Postremo iidem ipsi libri quindecim, partim universi recensentur ope codicis optimi, cujus recentissime nobis inopinata ostentata spes est, partim in locis obscurioribus, collatione aliorum scriptorum & cætera ejus generis accuratione pro captis ac tenuitatis nostræ modulo illustrabuntur. „ Quod *Glossarium* attinet, illud summo studio elaboratum est ALEXIADOS libris subjunctum, voces rariores ac difficiliore explicat. Illud sequuntur duæ HOESCHELII præfationes perbreves una cum LATINORUM aliquot de ALEXIO COMNENO testimoniis. Hoc excipiunt ejusdem HOESCHELII notæ, quæ partim exigeticæ, partim historicæ, sed paucae sunt, in VIII priores

tantum libros, quia codex augustinus, quem solum habuit, plures non complexus est. Ad finem operis index rerum memorabilium magna cum diligentia concinnatus reperitur. POSSINUS porro notas in ALEXIADEM una cum commentariis de rebus gestis sub JOANNE & MICHAELE COMNENIS, patre & filio, quorum alter frater germanus ANNÆ, alter vero ex fratre nepos fuit, a SINNAMO seu ut rectius dicitur CINNAMO conscriptis edendas promisit, sed neutrum præstitit, neque CINNAMUS libros historiarum, neque notas in ALEXIADEM publicavit. Contra novendecim post possinianam ALEXIADOS editionem annis ex eadem typographia régia, eadem fere forma, certe eodem splendore JOANNIS CINNAMUS libri sex gr. & lat. opera CAROLI DU-FRESNE, viri de litteris optime meriti prodierunt, qui huic volumini notas in Alexiadem historicas & philológicas a se elaboratas adjunxit. - In præfatione honestam POSSINI mentionem facit, ejus studium in COMNENÆ historiam laudans, sed ne verbum quidem addit, cur ipse & non POSSINUS has notas elaboraverit, quod eo magis facere debuisset, quia POSSINUS tum, imo longis adhuc post annis aura vitali usus est. Non possum non, quin hoc loco *παράκλησις* ELIÆ DUPINII notem, qui in *Bibliotheca sua* T. IX. de ANNA COMNENA agens CINNAMUS historiam cum ALEXIADE commutavit, scribens: * „editionem possinianam mox secuta est illa, quam Carolus Du-Fresne notis additis accuravit.„ Non melior fortuna reliquis laboribus a POSSINO promissis, *Theoplylaſti panegyrico & Abaco chronologico*

* Cette edition (d'Alexiade) a été suivie de celle de Mr. du Cange, qui l'a ornée de savantes notes.

Iogico aspiravit. Nullus librorum illorum lucem aspexit. Utinam codex ille optimus, cujus ope ALEXIADĒM denuo recensere promissit, alicubi extaret! extat quidem, sed quo loco & quibus custodibus nescitur. De hoc postea pluribus agam. Alius adhuc est codex, qui laudatur, sed qui æque latet, densioribus adhuc tenebris obrutus, ac ille cujus mentio facta est. ALBERTUS FABRITIUS in *Bibliotheca græca* * prodidit: „JACOBUM FRIDERICUM GRONOVIIUM an. 1643. scripsisse, se „habere Alexiadem Annæ Comnenæ triplici ampliore, quam eam Hœschelius ediderit.“ Fateor hoc ænigma esse, quod œdippo opus haberet, ut explicaretur. His enim verbis comprehensam esse video, Gronovium ALEXIADĒM habuisse, quæ plures, quam XXIV. libros comprehenderet. BODINUS XX. esse memoravit. ** Sine dubio uterque, GRONOVIVS *** & BODINUS magno errorum fluctu volutarunt de Alexiade scribentes. Ipse liber decimus quintus finem operis indicat.

Hactenus de tribus egi codicibus, qui in notis bibliothecis, augustana, barberiana, quam vaticanum sibi vindicavit, & florentina, extant, & de aliis duobus, qui periisse videntur. Editiones typis impressas duas recensui, hœschelianam & possinianam. Hisce adjungenda est tertia, quam extare per longas ambages ductus cognovi, Vir litteratissimus JOAN. LAUR.

D 3

MOS-

* T. VI. p. 392.

** De *Methodo Historiarum* L. X.

*** JO. FR. Gronovium in animo habuisse Alexiadis editionem procurare, ex verbis Jac. Gronovii filii ejus intelligo, qui in præf. ad librum *de Sestertiis* de patre suo scribit: non ægre vidit interceptam, & a se averſam, quam sibi desponderat, *Antiam Comnenam* sc. a Possino.

MOSHEMIUS in *Institutionibus historia ecclesiastica* * provocavit ad ALEXIADEM ANNÆ COMMENÆ editionis venetæ, quod me in cogitationem induxit, esse hanc novam editionem, quæ facilius comparari possit, quam parisiæ illa POSSINI. Hæc spe commotus Venetias scripsi, ut quid in hac re certum sit, cognoscerem. Mox ex litteris responsiis comperi, hanc editionem, *magnæ corpori historia byzantina*, Tomo ejus XI. infusam & secundum editionem parisiæ adjunctis CAROLI DU-FRESNE notis descriptam esse, ut neque in textu, neque in versione quicquam mutatum vel emendatum fuerit. Hæc igitur editio incommodior est parisiæ, quia sine reliquis partibus corporis istius historici seorsim non venit. Supra addixi, me quidquam additurum esse de codice, cujus POSSINUS editione parisiæ perfecta mentionem fecit, secundum illum ALEXIADEM se denuo recensiturum esse promittens. Quantum augurari possum, hic idem est codex, quem diu in urbe patria, Tolosæ, frustra quæsiit, quique tandem non speranti oblatus fuit, quod ipse commemorat in præfatione ad NICEPHORI CÆSARIS BRYENNII, *commentarios de rebus byzantinis*, quos MDCLXI. ex eadem Typographia regia gr. & lat. emisit: „vivit Tolosæ, inquit . . . V. C. ANTONIUS DADINUS ALTASERRA Juris utriusque regius professor. Is ex „me, quicum amicissime vivebat, cum sæpius confabulando cognovisset, „quanto desiderio tenerer antiquissimi codicis Alexiadis Annæ Comnenæ, „quem a Jacobo Cujacio principe Juris consultorum ad spem editionis olim „traditum viro nobilissimo & eruditissimo Petro Fabro Sanioriano, esse adhuc Tolosæ, magna opinio erat, sed cujus in manu quæve in domo esset, „frustra

* P. 482.

„frustra erat eatenus quaesitum. Cum, inquam, istius meae curae conscius
 „& propter amicitiam particeps esset, forte illi contigit, non modo in no-
 „titiam ejus hominis venire, penes quem is thesaurus asservabatur, sed &
 „tantam ab eo inire gratiam, ut negare ipsi nihil posset. Impetrata igitur
 „in paucos dies optatissimi codicis usura cupidissime advolavit ad me ac to-
 „tum inopinatissimo gaudio perfudit. Liber erat e charta lineea perantiquus
 „& manus transmarinae, quem statim evolvens avidissime, in eo reperi
 „libros quindecim Alexiados Annae integros, nec paucis locis ab eo exem-
 „plari, unde nostra jam tum prodierat editio, diversos. Praefatio, quam
 „ex hoeschelianis excerptis sumimus, deerat. . . . „ Lectores ignorare
 nolo, POSSINUM in eodem volumine Alexiados libris junctos invenisse,
 NICEPHORI BRYENNII, quos commemoravi, commentarios,
 eosque descripsisse & edidisse. Postquam igitur curarum & lucubrationum
 suarum in hac editione collocatarum rationem exposuisset, pergit de codice
 isto narrando. . . „Brevi exscripsimus opus illud totum & priusquam exiis-
 „set praescripta dies, cum fide ac gratiis debitis, commodatum archetypum
 „codicem, clarissimo & officiosissimo viro reddidi. Contigit deinde usus
 „liberior codicis ejusdem; insigni & hoc loco memorari digno beneficio
 „incomparabilis & longe supra vulgarem modum praedicandi viri. Guiliel-
 „mus etenim Pugetius Senatus Tolosani lumen ingens, paucis post illa,
 „quae modo retuli, mensibus convenit me & isto ipso, quem quasi furtim
 „antea videram, manuscripto libro de famuli affectantis manu sumto: En
 „hunc, inquit, codicem, quia tibi utilem & desideratum intellexi, mea
 „pecunia redemptum do tibi donoque, ut tuus quam optimo jure sit. Tanta
 „vis generosissimae humanitatis in illo ceteris aequae omnibus virtutibus &
 „prae-

„præclaris dotibus ad miraculum excolto heroe fuit. Cujus hac mire op-
 „portuna liberalitate mihi commoditas abundavit conferendæ jam editæ Ale-
 „xiadis cum illa manu antiqua descripto ejus exemplari, & ex eo collatio-
 „ne non modo lacunas editionis explendi omnes, sed diversas quoque
 „lectiones facile bis mille in libri mei ora notandi. Atque ut nullam tam
 „benevoli officii gratiam omittam, nec illud celabo, summum illum virum
 „in conscientia meriti tanti tali necupæ verecundia egisse, ut, cum inci-
 „disset illi necessitas quædam revivendi, quem donaverat, codicis, non susti-
 „nuerit, me tum absente, illum e nostro, ubi reliqueram, tolosano col-
 „legio reposcere, nisi prius me officiosissimis litteris rogato, ut ejus brevem
 „usuram postea restituendi, sibi concederem. Quare viderint, qui post
 „acerbissimum mox secutum illius immortalitate dignissimi viri funus librum
 „istum inter ejus *κείμενα* repertum hæreditaria possessione rite occupasse
 „videri volunt, quo jure rem detineant manifeste alienam, quippe legiti-
 „ma donatione inter vivos ac testatissimos *ἡ μακαρίτης* quondam ejus benefi-
 „centia certissime translatam in jus nostrum, de quo utique nihil cedimus.”

O verum dictum! *fata non observant ordinem*. Ex CUJACII tempo-
 re notum fuit, Tolosæ esse pervetustum codicem, ALEXIADOS libros
 complectentem. Hoc non inquilini solum sciverunt, sed etiam externi.
 POSSINUS laudabili concilio excitatus hunc codicem detegere voluit,
 quo illo ad integram & exactam editionem hujus libri promovendam uti
 possit. Archiepiscopus tolosanus CAROLUS de Montchal omni adhibita
 diligentia eum eduxit, quam ob causam in dedicatione ALEXIADOS
 insigni laude ab ipso ornatus fuit. Tandem SEGUIERII, cancellarii
 francici auctoritas accessit, qui POSSINO necessitatem ALEXIDOS
 evul-

evulgandæ imposuit. Ipsum igitur propositum, consensus Præfulis tolosani, & auctoritas præpotentissimi viri in aula versantis, a quo summa regni magnam partem pendit, possessorem exstimulare debuissent, ut codicem suum ad usum publicum lubens offerret, sed hic pisce mutior fuit, librum chartaceum manuscriptum clausum & ab omnium oculis remotum tenuit, ut ipse POSSINUS eum casu quodam infesto funditus absumtum esse putaverit. ALEXIADEM absque hoc subsidio evulgavit. Aliquot annis post ALTESERRÆ studio & diligentia idem hic desideratissimus codex ex tenebris protrahitur, & POSSINO commodatur, qui non solum ANNÆ COMNENÆ, sed etiam mariti ejus Nicephori BRYENNII libros in illo reperit, Bryennii historiam descripsit & ex Alexiadis libris editionis suæ lacunæ supplevit: ac diversas lectiones bis mille in ora notavit.

GUILIELMUS PUGETIUS nobilis tolosanus fuit, qui consilio, quo soli avari urgentur, thesaurum suum abscondendi abjecto, illum protulit & primo ejus usuram POSSINO fecit, deinde liberalissime eum illi muneri dedit. Ab hoc in Bibliothecam patrum e societate Jesu Tolosæ venit. Jam in luce versatus est, jam eruditorum usui servari videbatur. Sed pro rerum vicissitudinem & fortunæ inconstantiam! post brevem lucis usum nox illum iterum invalit, iterum crassis tenebris circumfusus ac occultatus est, ut eum investigare vix quisquam gestierit. PURGETIUM liberalitatis suæ poenituisse videtur, codicem a patribus repetiit, eum mutuum accepturus, sed moriens illum hæredibus suis reliquit. POSSINUS jus fasque provocavit. Sed quis nobis dixerit, ubi thesaurus iste jam custodiatur? Fortunam laudemus ac celebremus, quod exemplar possonianum notis & emendationibus ex optimo illo codice factis exornatum

& illustratum ab hæredibus abripi non potuerit. Hoc in tutela patrum & societate Jesu, qui Tolosæ sunt, esse confido.

Quæ hæcenus de ALEXIADE commemoravi, in eum finem feci, ut historiæ studioforum multum interesse docerem, quo hic liber denuo typis descriptus edatur. Quæ de ALEXIADE dixi, etiam de BRYENNII & CINNAMII aliorumque historiæ byzantinæ scriptorum libris dicta volo. Hi fontes putandi sunt, ex quibus historiarum rivuli deduci debent. Latini scriptores a multis leguntur, sed quæ ab illis narrantur, a græcis lucem accipere possunt, ut omnibus inter se comparatis de rerum gestarum veritate certius judicare possimus. Et græci & latini partium studiis corrupti fuere. Eo magis opus est, ut utrique legantur, conferantur & æquæ lance ponderentur. Græci præterea singularia illorum imperium, religionem & mores concernentia complectuntur, quæ latini aut silentio prætereunt, aut male intellecta proponunt. Ut autem græci libri legi possint, necesse est, ut modo & forma evulgentur, quo ab historiarum cultoribus comparari possint. Ab ALEXIADE ob rerum in illa comprehensarum dignitatem & styli gravitatem amoenitatemque initium faciendum esse existimo, quo lectores rerum græcarum cognoscendarum amore & studio capiantur. Utinam mihi tam felici esse contingeret, ut vir græcarum litterarum, æque ac historiarum peritus mea opera excitatus laborem hunc susciperet! ut igitur non modo excitem, sed etiam persuadeam, consilia proponam, quibus talis adjuvari possit. Primo editor, ut textus græci exactam & a mendis purgatam lectionem exhibeat, curet. Quo hoc præstare possit, forte impensis, certe virorum auctoritate multum pollentium auxilio illi opus erit, nam exemplar illud, in cujus ora POSSINUS
bis

bis mille variantes lectiones scripsit, ad manus habeat, necesse est. Si vero ipsum illum codicem, quem CUJACIUS primo, deinde PURGETIUS in potestate sua habuit, detegere & usui suo vindicare posset; sibi & reipublicæ litterariæ optime consulere par esset, nam propriis oculis videret, quid corrigendum emendandumve esset. Quod si fieri non potest, ut codicem istum in manus suas redigat, POSSINI lectiones & emendationes impetrare studeat, quo illis uti & textum secundum illas corrigere possit. Textus possinianæ editionis ita comparatus est, ut, qui græcas litteras didicerit, facile intelligat, illum mendosum esse & menda propriis conjecturis, imò vero quandoque non conjecturis, sed certis iudiciis ex grammatica, syntaxique & cum aliis scriptoribus comparatione firmatis corrigi posse. Ita HOESCHELIUS in notis suis multa correxit. Deinde versio pura & fidelis requiritur. Quid in POSSINIANA desideretur, jamjam exposui. Meo igitur iudicio nova versio latina instituenda est, & editor in id incumbat, ut talem faciat, quæ sensum auctoris clare, concinne & genuine exprimat, quo mentem & cogitationes ejus & non translatoris percipiamus. Editor igitur utriusque linguae & historiae peritus sit, ut ipse prius intelligat, quid narretur, dein illud iterum aliis narrare possit. Notas, quas HOESCHELIUS & DU-FRESNE elaborarunt & publicarunt, sub textu collocari consultius erit, quam eas seorsim impressas post textum exhiberi. Si novas animadversiones facere libuerit, occasionem inveniet eas cumulandi, notas historicas præcessorum suorum emendando & illustrando, suasque lectiones confirmando. Pars historiae theologiae, seu res hæreticorum illius temporis comprehendens postulat, ut singulari diligentia explicetur, ne lectores in errores inducantur,

tur, quod ex paucis illis observationibus, quas dissertationi huic immiscui, patebit. Tandem dedicationes præfationesque HOESCHELII & POS-SINI vel integræ recudi possunt, vel editor introductionem historico-criticam elaboret, cui, quæ viri isti de ALEXIADÆ bene meriti in usum publicum effecerunt, inferi possint. Si quis in patria nostra, quæ viris græce doctis dives est, ut non paucos nominibus suis appellare possem, si animus ab omni adulteratione alienus id pateretur, hunc laborem, hanc curam suscipere velit, HEIDEGGERUS & Socii, librarii tigurini, qui græcis latinisque litteris instructissimi sunt, ipsi & officinam & nitidam ac correctam editionem faciendi animum offerunt. Iidem viri sua & litterarum commoda augendi cupidi mihi aperuerunt, si quis inveniendus sit, qui accuratam, versionem ALEXIADOS & aliarum historiarum byzantinæ germanicam facere & possit & velit, se impressionem suis sumptibus curaturos esse, ut historiarum cultores, qui non nisi germanica legunt, sua opera adjuvantur. Valete Lectores & mea consilia plausu & studio vestro adjuvate!.

